



UDRUŽENJE/UDRUGA PSIHIJATARA U BOSNI I HERCEGOVINI
PSYCHIATRIC ASSOCIATION OF BOSNIA-HERZEGOVINA

www.upubih.com

IZVJEŠTAJ O RADU

UDRUŽENJA PSIHIJATARA U BOSNI I HERCEGOVINI

za period oktobar 2010. - septembar 2011.

A. UVODNE NAPOMENE

U ovom izvještaju, kojeg su pripremili **Generalni sekretari** Udruženja psihijatara u BiH (**UPuBiH**), *Prim. mr sc dr Alma Džubur-Kulenović i Dr. Goran Račetović*, izneseni su rezultati rada u periodu između dvije Generalne Skupštine Udruženja, odnosno za period **oktobar 2010 - septembar 2011.**

U proteklih godinu dana fokusirali smo se na realizaciju aktivnosti iznesenih u dvogodišnjem *Planu aktivnosti UPuBiH (2010-2012)*, na prethodnoj Generalnoj skupštini UPuBiH, u Bihaću.

Ovaj Izvještaj sastoji se iz **pet** (5) komponenti:

1. **PROMOCIJA I ČLANSTVO** u UPuBiH
2. **STRUČNI SKUPOVI** u Bosni i Hercegovini
3. *Svjetska psihijatrijska asocijacija-WPA i UPuBiH*
4. **SARADNJA** sa drugim asocijacijama psihijatara
5. **INFORMISANJE** članstva i javnosti

www.upubih.com



UDRUŽENJE/UDRUGA PSIHIJATARA U BOSNI I HERCEGOVINI

PSYCHIATRIC ASSOCIATION OF BOSNIA-HERZEGOVINA

www.upubih.com

B. IZVJEŠTAJ O RADU UPuBiH 2011

1. PROMOCIJA I ČLANSTVO u UPuBiH

Tokom prethodnog perioda, nastavili smo sa aktivnom promocijom našeg Udruženja u zemlji, ličnim ili službenim inicijativama, na stručnim događajima u zemlji i okruženju. U okviru BiH to je pokazalo pozitivne rezultate u pravcu povećanja interesa za učlanjenje u naše Udruženje. Tako je i u 2011. godini najveći dio članova produžio svoje članstvo ali je i veći broj novih koleginica i kolega, sada iz skoro svih ustanova zaštite mentalnog zdravlja u našoj zemlji, postao članom UPuBiH, prepoznavši njegove vrijednosti, kao kohezivne strukovne snage. Tako je broj članova UPuBiH, sa 10.10.2011. porastao na **140**, što je gotovo 50% u odnosu na broj članova UPuBiH u 2010. godini (92). Izuzetno smo ponosni jer su u UPuBiH sada svi profesori i docenti bosansko-hercegovačkih Medicinskih fakulteta (Sarajevo, Banja Luka, Tuzla, Foča i Mostar), ali i načelnici/direktori svih Klinika, Zavoda, Instituta, te načelnici skoro svih bolničkih odjeljenja i najvećeg broja Centara za mentalno zdravlje u BiH. Svakako, i veliki broj koleginica i kolega iz tih Ustanova je prihvatio ciljeve UPuBiH i postao članom Udruženja. U UPuBiH tako imamo i u ovoj godini zavidan akademski i stručni nivo članova, *sa 1 Akademikom, 12 Profesora, 8 Docenata, 2 doktora medicinskih nauka, 23 magistra medicinskih nauka; 27 koleginica i kolega ima titulu Primarijus a dvadesetak kolega je na poslijediplomskim studijima.* Posebno smo obradovani članstvom mladih kolega, jer u ovoj godini imamo značajno povećan broj *mladih psihijatara/neuropsihijatara i doktora medicine na specijalizacijama iz psihijatrije/neuropsihijatrije (32).* Od ove godine mogućnost učlanjenja u UPuBiH imaju i mađi ljekari koji su zaposleni u mentalno-zdravstvenim ustanovama, bez statusa kolega na specijalizaciji (tzv. „sekundarci“), čime se i Udruženje otvara prema ljekarima čiji je budući interes oblast mentalnog zdravlja.

www.upubih.com



UDRUŽENJE/UDRUGA PSIHIJATARA U BOSNI I HERCEGOVINI

PSYCHIATRIC ASSOCIATION OF BOSNIA-HERZEGOVINA

www.upubih.com

Svaki novi član dobio je **sve relevantne dokumente UPUBiH** (Statut, Izmijenjeni i dopunjeni Statut, Poslovnik o radu Skupštine i Pravilnik o radu Suda časti UPUBiH) elektronskim putem, kao i najznačajnija obavještenja iz perioda do učlanjenja u UPUBiH (prevod preporuka WPA o ulogama psihijataru u ranim intervencijama, Listu psihijatrijskih događaja 2011 sa najbitnijim dopunama istih, World Psychiatry, WPA News i dr.), a svim članovima su dokumenti UPUBiH, kao i najbitniji etički dokumenti dostupni na web stranici Udruženja. Godišnja redovna sjednica Generalne skupštine UPUBiH održana je u Bihaću u oktobru 2010., na kojoj su usvojeni značajni bazični dokumenti UPUBiH, sa ustanovljenjem godišnjeg ciklusa održavanja Skupštine.

U toku godinu dana održana su **dva** proširena sastanka Rukovodstva UPUBiH (Predsjedništva, Upravnog i Nadzornog odbora i članova Suda časti, zajedno sa Generalnim sekretarima), na kojima su razmatrana aktuelna pitanja važna za domaća i internacionalna uključivanja i promociju UPUBiH u ovoj godini i ubuduće.

2. STRUČNI SKUPOVI u BOSNI i HERCEGOVINI

U ovom segmentu osvrnućemo se na organizovanje godišnjeg Simpozijuma UPUBiH, koorganizaciju drugih skupova psihijataru u BiH i pripreme za Kongres psihijataru BiH.

- a) Tradicija održavanja **godišnjeg Simpozijuma psihijataru u BiH**, započeta 2009. godine i ove je godine nastavljena. UPUBiH je bilo glavni organizator Simpozijuma „**XI Psihijatrijski dani-inovacije znanja iz psihijatrije**“, sa glavnom temom Simpozijuma „*Psihotičnost u medicini i psihijatrijskoj praksi*“. Ovaj psihijatrijski događaj prvog reda za UPUBiH održao se u Tuzli, u periodu 25-26 mart 2011. godine, koji je okupio veći broj učesnika iz cijele zemlje nego u prethodne dvije godine (**preko 150**), sa zavidnim stručnim nivoom, dobijajući regionalni značaj i međunarodno učešće. Tokom Simpozijuma upriličene su promocije udžbenika, knjiga i časopisa uz adekvatan socijalni program, a uspelo se da, i pored teških ekonomskih prilika u zemlji, koje se odražavaju i na medicinsku struku, učesnici budu *oslobođeni troškova kotizacije i pratećeg programa Simpozijuma*.

www.upubih.com



UDRUŽENJE/UDRUGA PSIHIJATARA U BOSNI I HERCEGOVINI

PSYCHIATRIC ASSOCIATION OF BOSNIA-HERZEGOVINA

www.upubih.com

- b) UPUBiH je u 2011. godini nastavio sa **koorganizacijom** drugih skupova u BiH.

Prvi je tradicionalni Simpozijum **Mostarska psihijatrijska subota, Osma** po redu, koja se ove godine održavala *25 juna 2011. godine*, pod nazivom „*Poremećaji morala i moralnosti u suvremenoj medicini i društvu*“. Ovaj skup ostvaren je u saradnji sa *glavnim organizatorima, mostarskim Medicinskim fakultetom i Klinikom za psihijatriju SKB Mostar*. Osobito nam je drago jer su svi predavači iz BiH članovi UPUBiH, a Generalni sekretari UPUBiH bili su glavni nosioci logističke pomoći organizovanju i održavanju ovog značajnog regionalnog simpozijuma sa međunarodnim učešćem, koji je imao rekordan broj učesnika od svog početka prije 8 godina (**više od 200**).

Na sličan se način, poput prošle godine, UPUBiH uključilo u 2011. godini i u koorganizovanje **Petog Simpozija biološke psihijatrije/psihofarmakologije BiH**, zajedno sa *Udruženjem za biološku psihijatriju/psihofarmakologiju u Federaciji BiH (UBPPFBiH) i Klinikom za psihijatriju KCU Sarajevo*, kao *glavnim organizatorima*, kroz aktivno učešće predavača iz reda UPUBiH i pravovremeno i potpuno obavještanjem članova UPUBiH ali i drugih profesionalaca iz oblasti mentalnog zdravlja u zemlji i regionu o ovom značajnom stručnom skupu u našoj zemlji. Simpozijum se održava u *Konjicu 10-11 oktobra 2011.*, sa temom „*Anksioznost i anksiozni poremećaji*“, te ima međunarodni karakter. U sklopu Simpozijuma je održana godišnja, redovna **Generalna skupština UPUBiH**, na kojoj se ovaj ukupni izvještaj predstavlja. To ovome Simpozijumu daje posebno značenje za UPUBiH. Posebno smo zahvalni Predsjedniku UBPPFBiH, *Prof. Abdulahu Kučukaliću*, koji je i jedan od Potpredsjednika UPUBiH, kao i ostalim članovima Organizacionog odbora i rukovodstva UBPPFBiH, što je članovima UPUBiH i na ovogodišnjem Simpoziju olakšano učešće *redukovanjem iznosa kotizacije za 50%*, kao i prošle godine.

- c) U toku 2011. godine, započeli smo sa **pripremanama** koje se odnose na održavanje **III Kongresa psihijatara u Bosni i Hercegovini sa međunarodnim učešćem**, kroz aktivno učešće Rukovodstva UPUBiH na pripremi Prvog obavještenja. Tokom Jedanaestih psihijatrijskih dana najavljen je ovaj najznačajniji događaj iz oblasti psihijatrije u Bosni i Hercegovini za 2012. godinu. Kongres će se održati *u Tuzli, u periodu 10-13 oktobar 2012. godine*. Glavna tema Kongresa je „*Psihijatrija između fenomenologije i neuronauka*“ i biće prvi kongres u organizaciji UPUBiH, nakon njegove reorganizacije i registrovanja Udruženja. **Planirano je da se štampano Prvo obavještenje distribuiše tokom Simpozijuma u Konjicu.**

www.upubih.com



UDRUŽENJE/UDRUGA PSIHIJATARA U BOSNI I HERCEGOVINI

PSYCHIATRIC ASSOCIATION OF BOSNIA-HERZEGOVINA

www.upubih.com

3. SVJETSKA PSIHIJATRIJSKA ASOCIJACIJA-WPA i **UPuBiH**

Udruženje psihijatara u BiH (UPuBiH) nastavilo je sa aktivnom saradnjom sa ***Svjetskom psihijatrijskom asocijacijom (WPA)***, kao jednim od važnih ciljeva internacionalne promocije Udruženja, ali i bosanskohercegovačke psihijatrije izvan regionalnih okvira. To je svakako i prepoznato u toj krovnoj asocijaciji nacionalnih psihijatrijskih asocijacija, ***čiji je UPuBiH punopravan član, zajedno sa još 134 asocijacije.***

Članarina za WPA uplaćena je pravovremeno, čime je potvrđen status svakog člana UPuBiH kao člana WPA, te je ovogodišnjom uplatom članarine ispunjen jedan od ***uslova*** za razmatranje učešća naših delegata na najavljenim *Vanrednoj i Generalnoj skupštini WPA na Svjetskom psihijatrijskom kongresu.*

U toku 2011. godine, na osnovu poslanih dokumentacije iz WPA dali smo mišljenje o ***saglasnosti za aplikaciju*** još jedne asocijacije (*Turkish-German Association of Psychiatry, Psychotherapy and Psychosocial Health-DTGPP, Marburg-Njemačka*) za prijem u WPA kao pridruženog člana (*Affiliative Member*). Na osnovu dopisa desetak profesora iz nekoliko zemalja i asocijacija, koji su nam uputili molbe za podržavanjem njihove kandidature za predstojeće izbore u WPA tokom Generalne skupštine WPA, razmatranjem njihovih molbi i priložene potrebne i obavezne dokumentacije uz te aplikacije, na sastanku šireg Rukovodstva UPuBiH u Mostaru, 24.06.2011. godine, odlučeno je da se podrže nominacije **4 kandidata/aplikanta** prema UPuBiH: *Prof. Helen Herrman* (Australija, za poziciju WPA President Elect), *Prof. Michele Riba* (USA, za poziciju WPA Secretary for Publications), *Prof. Afzel Javad* (Vel. Britanija, za poziciju WPA Secretary for Sections) i *Prof. Antoni Novotni* (Makedonija, za poziciju WPA Zonal Representative, Zona 9, kojoj pripada UPuBiH).

Kao od prošle godine ustanovljena odluka, i u 2011. godini, nastavili smo sa redovnim **obavještavanjima Zonalnog Predstavnika WPA** za našu Zonu, Zonu 9, *Akad. Prof. Dušice Lečić-Toševski* o našim aktivnostima u zemlji i van nje, transparentno prema WPA, Zoni 9 WPA i članstvu UPuBiH, i od nje smo dobili usmene pohvale, uz redovna Zonalna obavještavanja. **Redovnom korespondencijom sa WPA** Sekretarijatom ustanovili smo adekvatnu informisanost o organizaciji UPuBiH i obezbijedili pravovremenost izmjena u *Direktorijumu WPA*, čiji smo posljednji primjerak, iz juna 2011. dobili radi lakšeg kontakta sa oficirima WPA i svim sekcijama i asocijacijama koje su punopravni ili pridruženi članovi UPuBiH.

www.upubih.com



UDRUŽENJE/UDRUGA PSIHIJATARA U BOSNI I HERCEGOVINI

PSYCHIATRIC ASSOCIATION OF BOSNIA-HERZEGOVINA

www.upubih.com

Posebno smo radosni jer smo redovno davali **kontinuirani doprinos** mladom segmentu WPA, nazvanom **WPA Media Channels**, naročito u dijelu **WPA News**, u kome su članovi svih asocijacija mogli pročitati izvještaje sa zbivanja u BiH (*najava i održavanje XI Psihijatrijskih dana, 8. Mostarska psihijatrijska subota, najava 8 MPS i 5. Simpozija biološke psihijatrije/psihofarmakologije*). Elektronske primjerke WPA E-bulletin-a i WPA News smo redovno distribuisali svim našim članovima, kao i oficijalni broj časopisa WPA, **World Psychiatry**, u kome je naša asocijacija uzela učešća u objavljenim rezultatima studije WPA i WHO o klasifikaciji ICD-11, kao i angažmanu mladih psihijatara iz asocijacija u prevodu serije slajdova za izdanja WPA o depresiji i dijabetesu i depresiji i karcinomu. Za te aktivnosti dobili smo pohvale Generalnog sekretara WPA *Prof. Levent Kuey-a, kao i Prof. Maj-a i Prof. Sartorius-a*. Web stranicu WPA (www.wpanet.org) članovi UPUBiH posjetili su **788 puta** (među prvih smo deset asocijacija koje najčešće posjećuju taj web site).

Veoma aktivan angažman imao je i naš predstavnik u **WPA Early Career Council-u** (*Vijeću mladih psihijatara pri WPA*), direktnim kontaktima sa Predsjednikom WPA, Prof. Mario Maj-om, koji je naročito podržavao aktivnosti mladih kolega. Tako je naša predstavnica u tom Vijeću, *Dr Amra Delić*, sa Klinike za psihijatriju UKC Tuzla učestovala u svim pojektima Vijeća, kao i aktivno doprinijela radu članova vijeća na Regionalnom Simpozijumu, kosponzorisanom od WPA, u *Sankt Petersburgu, aprila 2011*. Na osnovu tih postignuća, dr Delić je od strane WPA odabrana za *Fellowship* vezan za učešće na XV Svjetskom psihijatrijskom kongresu u septembru 2011 u Buenos Airesu (Argentina).

UPuBiH je podsticao svoje članove da uzimaju učešća na WPA sponzorisanim i kosponzorisanim skupovima, te je uz podršku UPUBiH, pomoć kod odlaska na *WPA tematsku konferenciju u Istanbul (juni 2011)* WPA Fellowship dobila mlada neuropsihijatrica, *Dr Lejla Čaković*, iz Kantonalne bolnice u Zenici, a na tom do WPA Svjetskog kongresa najznačajnijem događaju u organizaciji WPA učestvovalo je još desetak učesnika iz BiH, koji su svi bili iz redova UPUBiH, uz promociju našeg Udruženja i kontakte sa rukovodiocima WPA.

Učešće na **XV World Congress of Psychiatry**, glavnog događaja kojeg organizuje WPA uzelo je 5 učesnika iz BiH, koji su svi članovi UPUBiH. Iako mali broj učesnika (radi poznatih teškoća oko obezbjeđivanja sredstava za odlazak na ovako udaljena mjesta održavanja kongresa) ipak su svi učesnici uzeli aktivnu participaciju u 4 dana kongresa: stručnim **radovima**- troje članova UPUBiH (*Prof. dr A. Kučukalić, Doc. dr A. Bravo-Mehmedbašić i Dr F. Kovač*, svi iz Sarajeva), *Dr A. Delić* (Tuzla) je aktivno djelovala u radu Vijeća mladih psihijatara WPA (*WPA ECC*), a na osnovu zajedničke odluke šireg Rukovodstva UPUBiH (Mostar, 24.06.2011.), *Dr G. Račetović* (Prijevor) određen je kao učesnik (*Voting delegate*)

www.upubih.com



UDRUŽENJE/UDRUGA PSIHIJATARA U BOSNI I HERCEGOVINI
PSYCHIATRIC ASSOCIATION OF BOSNIA-HERZEGOVINA

www.upubih.com

ispred UPUBiH na zasjedanjima Skupštine WPA. Ovogodišnji je kongres održan u *Buenos Airesu (Argentina)* u periodu 18-22 septembar 2011. godine, u *Sheraton Buenos Aires Hotel&Convention Centre*, uz dosad rekordan broj učesnika (**14.013**) i najveći je psihijatrijski događaj ikad održan izvan sjevernoameričkog kontinenta. Okupio je psihijatere iz oko 130 zemalja, zajedno sa svim najvećim i najpoznatijim ekspertima iz svih oblasti psihijatrije. U hotelu *Marriot Plaza Buenos Aires*, **21 septembra 2011. godine**, održano je zasijedanje **Vanredne i Generalne skupštine WPA**, sa učešćem Voting delegata iz 95 asocijacija, te prisustvom najviših funkcionera WPA i oko 80 observera. Na Generalnoj skupštini upoznati smo sa svim postignućima i naprecima u organizaciji i razvoju WPA u posljednje tri godine, od prethodne Generalne skupštine u Pragu 2008. Za ovu sjednicu svi Voting delegati su dobili obimnu i kompletnu dokumentaciju, vezanu za dnevni red. Tokom Generalne skupštine tajnim glasanjem, na novouvedeni način *elektronskog glasanja*, izabrani su **novi oficiri WPA: President Elect (D. Bughra, Vel. Britanija), WPA Secreatry for Education (E. Belfort, Venecuela), WPA Secretary for Sections (A.Javal, Vel. Britanija), WPA Secretary for Publications (M.Riba, USA) i 18 Zonalnih Predstavnika (Zona 9- J.Raboch, Češka Republika). Voting delegate iz UPUBiH bio je Dr Goran Račetović, Generalni sekretar UPUBiH**, a naša je asocijacija imala **3 glasa po svakom kandidatu**. Zasijedanje Generalne skupštine bila je izvrsna prilika za promociju našeg Udruženja i uspostavljanje dobrih veza sa drugim asocijacijama i WPA za predstojeće godine. Na ovom zasijedanju, UPUBiH se u novoj organizacionoj strukturi pojavljuje po prvi put, a BiH delegat je uzeo učešća na Generalnoj skupštini nakon dužeg niza godina, što daje poseban značaj i uspjeh UPUBiH u smislu konkretne i efikasne međunarodne promocije našeg Udruženja.

Naposlijetku, ali ne i najmanje važan, je nastavak aktivne participacije i saradnje predstavnika UPUBiH u **Vijeću mladih psihijatara (WPA Early Career Council)**, pod direktnim pokroviteljstvom Prof. M. Maj-a, uz angažman u pripremi zajedničkih simpozijuma iz svoje Zone mladih psihijatara, redovnu komunikaciju sa Predstavnikom Zone i Prof. Maj-om i konstruktivnih sugestija u daljem razvijanju ovog najmlađeg tijela WPA. Naša predstavnica, *Dr Amra Delić*, iz Tuzle, dobila je punu podršku od strane WPA dolasku na Svjetski psihijatrijski kongres (*Fellowship*) i veoma aktivno participirala u radu *WPA ECC u Buenos Airesu, 20 septembra 2011.* Imala je prilike dobiti pohvale našem Udruženju od učesnika i gostiju ove sjednice (*Prof. Maj, Prof. Ruiz, Prof Herrman i Prof. Belfort*), koji su istrajni u podršci mladim kolegama kao buduće baze eksperata WPA.

www.upubih.com



UDRUŽENJE/UDRUGA PSIHIJATARA U BOSNI I HERCEGOVINI

PSYCHIATRIC ASSOCIATION OF BOSNIA-HERZEGOVINA

www.upubih.com

4. SARADNJA sa DRUGIM ASOCIJACIJAMA PSIHIJATARA

U ovom dijelu izvještaja osvrnućemo se na saradnju sa Evropskom psihijatrijskom asocijacijom (EPA), s jedne, i drugim regionalnim asocijacijama psihijatara, s druge strane.

- a) UPUBiH je, nakon priprema za aplikaciju i aplikovanja za prijem u EPA, na 19^{tom} Evropskom psihijatrijskom kongresu u Beč (Austrija), tokom zasjedanja Skupštine EPA (13 mart 2010) primljena u ovu najveću i najznačajniju evropsku psihijatrijsku asocijaciju, sa statusom **EPA Corporate Member** (ne podrazumijeva individualno članstvo u EPA). Trenutno je jedna od 27 nacionalnih evropskih asocijacija psihijatara, članica te vrste u EPA.

Od početka smo uzeli aktivno učešće u svim EPA aktivnostima koje su predložene od te velike organizacije: odredili **kontakt osobe za EPA** (Prof. Pajević, Prof. Marija Burgić-Radmanović i Generalni sekretari UPUBiH), dali mišljenje i odgovore na **survey-e EPA** (o **e-learning**- kontakt osoba Prim. mr sc dr Alma Džubur-Kulenović, o **etičkim pitanjima**-kontakt osoba Predsjednik UPUBiH), dali svoje mišljenje o potrebi **distribucije** informativnih materijala EPA (*EPA Minds Online i European Journal of Psychiatry*-kontakt osoba Dr Goran Račetović), **predložili** dio izmjena važećeg Statuta i redukovane cijene individualne i asocijacijske članarine za EPA članstva, te prihvatili i odmah aktivno participirali u predloženoj **razmjeni obavještenja** putem naših web stranica: tako je na web stranicu UPUBiH postavljen baner predstojećeg 20th European Congress of Psychiatry Prague 2012 (od ranije na našoj stranici imamo link EPA), a na dijelu web stranice EPA o stručnim događajima u Evropi postavljena je najava održavanja 5. Simpozija biološke psihijatrije/psihofarmakologije BiH u Konjicu. Iz Sekretarijata EPA dobili smo izuzetne pohvale za ažurnost i kvalitet međusobne saradnje, ostvarene na visokom nivou za kratki period našeg članstva. To nas posebno čini radosnima i postignuće je svakog člana UPUBiH i daje nam sigurno zadatke za naredne napredne forme saradnje sa EPA kao i uključivanje naših stručnjaka u tijela EPA. Veći broj naših članova uzeo je aktivno i pasivno učešće na 19^{tom} Kongresu EPA u Beču 2010. godine.

www.upubih.com



UDRUŽENJE/UDRUGA PSIHIJATARA U BOSNI I HERCEGOVINI

PSYCHIATRIC ASSOCIATION OF BOSNIA-HERZEGOVINA

www.upubih.com

- b) Svakako da nismo zanemarili saradnju sa **regionalnim asocijacijama psihijatara**. Kontinuitet saradnje sa **Hrvatskim psihijatrijskim društvom** i **Udruženjem psihijatara Srbije** je nastavljen, uz poziv predavača iz redova UPuBiH na značajnije skupove u Srbiji ili Hrvatskoj, kao i participacijom članova UPuBiH na njihovim stručnim skupovima, sa dvosmjernom putanjom, dolaskom i učestvovanjem pozvanih predavača iz nama susjednih zemalja na skupovima u BiH.

Kontinuitet saradnje sa Asocijacijom podunavskih zemalja (**Danubine Psychiatric Association**) je već tradicionalna i na proširenom sastanku Rukovodstva UPuBiH (Mostar, 24 juni 2011) usaglašeno je da u periodu iza 2012 godine na visokoj poziciji u Upravnom odboru ove asocijacije bude **Prof. Abdulah Kučukalić**, koji bi na toj funkciji zamijenio **Prof. Ismeta Cerića**, nastavivši tako kontinuitet učešća UPuBiH u toj značajnoj regionalnoj asocijaciji psihijatara, a očekuje se da će veliki broj naših članova učestvovati na 25^{tom} Danube Simpozijumu u Temišvaru (Rumunija), oktobra 2012. godine.

Takođe, započeli smo postepeno razvijati bliže veze i aktivno participirati u radu regionalne **Asocijacije zemalja Istočne Evrope i Balkana (PAEEB)**, čiji je UPuBiH član i na čijem je čelu **Akad. Prof. Dušica Lečić-Toševski** iz Srbije. Ovu saradnju namjeravamo pojačati, pripremajući se za Treći kongres ove Asocijacije u Beogradu (april 2012), koji će se održati paralelno a nacionalnim kongresom psihijatara u Srbiji.

5. INFORMISANJE ČLANSTVA I JAVNOSTI

Ovaj, završni dio Izvještaja o radu UPuBiH 2011, obuhvatiće informacije o web stranici Udruženja, kontinuitet obavještavanja članova UPuBiH i informisanje javnosti u BiH o UPuBiH i drugim pitanjima relevantnim za razvoj mentalnog zdravlja u našoj zemlji.

- a) Krajem 2010. godine, probno je započela sa radom **web stranica UPuBiH**, www.upubih.com, kao važna karika informisanja o UPuBiH ali i njegove šire promocije. Putem web sitea omogućeno je da svi članovi i zainteresovani saznaju više o UPuBiH, bazičnim dokumentima, Rukovodećim tijelima, kontaktima, ali i da ukoliko žele preuzmu te materijale i Pristupnicu za učlanjenje. Načini učlanjenja i produžetka članstva u UPuBiH jasno su definisani i pristupačni svim posjetiocima UPuBiH. Na web sajtu smo razvili dijelove sa *dva pisma (latinica i ćirilica)* i na

www.upubih.com



UDRUŽENJE/UDRUGA PSIHIJATARA U BOSNI I HERCEGOVINI
PSYCHIATRIC ASSOCIATION OF BOSNIA-HERZEGOVINA

www.upubih.com

jezicima naroda u BiH, te na engleskom jeziku, postavili bazične svjetske dokumente iz oblasti psihijatrijske etike (*Madridsku i Havajsku deklaraciju, te Helsinsku*), kao dio preuzetih obaveza prema WPA i jednog od uslova članstva u WPA (Madridska deklaracija). Preko web stranice smo preko **linkova** omogućili izlazak na sve relevantne regionalne asocijacije, EPA i WPA, kao i na neke od regionalnih ustanova, te naročito podržali direktnim linkom Projekat mentalnog zdravlja u BiH, u kome participiraju svi članovi UPUBiH, a u vodećim tijelima Projekta se nalaze članovi UPUBiH u većini (u oblasti medicine-psihijatrije). Isto tako, **svi** su događaji pod pokroviteljstvom UPUBiH, kao i oni koje je koorganizovao UPUBiH, sa postkongresnim materijalima, adekvatno prikazani i objavljeni na našoj internetskoj stranici. **UPuBiH ne finansira održavanje stranice**, jer su za to pronađeni donatori/sponzori, kao dio razumijevanja za napore i značaj UPUBiH u našoj zemlji. Svakako da će sadržaji web stranice biti obogaćivani i dalje, za šta će nam trebati **angažman svakog od članova UPUBiH**.

- b) Kao i u posljednje dvije godine, i 2011^{te} nastavljamo sa **redovnom i transparentnom informisanošću svih** naših članova o svim relevantnim zbivanjima u BiH i svijetu, uz omogućavanje dostupnosti člancima iz više časopisa (*World Psychiatry, Journal od Affective Disorders*, i drugi), obezbjeđivali novija izdanja udžbenika i knjiga raznih izdavača u elektronskoj formi, redovno slali dopune ranijih obavijesti o zbivanjima u psihijatriji ili o novije najavljenim događajima u ovoj godini. Kao i prije (sada već tradicionalno) krajem 2010. godine svaki član UPUBiH dobio je **Listu internacionalnih događaja za 2011**, sa oko 40 važnijih događaja u regiji, Evropi i u svijetu, uz ponavljanje iste tokom godine i stalne dopune i već najavljenih događaja ili najave onih koji su van te liste. Tako su naši članovi mogli pravovremeno planirati svoja učešća na ovim događajima i tokom godine je UPUBiH imao svoje predstavnike/učesnike na većini tih događaja, sa nizom aktivnih učesnika, koji su prezentovali svoja postignuća iz prakse u BiH. S tom praksom svakako planiramo nastaviti, a Lista 2012 se dovršava i priprema za slanje članovima UPUBiH.

O našim aktivnostima pravovremeno smo **obavještavali ili su o UPUBiH aktivnostima izvještavali pisani i elektronski mediji** (*eZdravlje, epssa, TV i druge novinske kuće*), a za događaje u BiH smo formirali i najave događaja preko internetske društvene grupe *Facebook*.

www.upubih.com



UDRUŽENJE/UDRUGA PSIHIJATARA U BOSNI I HERCEGOVINI

PSYCHIATRIC ASSOCIATION OF BOSNIA-HERZEGOVINA

www.upubih.com

- c) Kao od prošle godine zacrtani cilj, *Udruženje će i dalje kontinuirano pratiti sve događaje u BiH vezane za psihijatrijsku profesiju i adekvatno reagovati u svim slučajevima gdje procijenimo da treba spriječiti kršenja ljudskih prava korisnika psihijatrijskih usluga i profesionalaca u mentalnom zdravlju, različite vrsta ataka i pritisaka na psihijatrijsku struku, zloupotrebu psihijatrije od strane pojedinaca, institucija i medija i slično, a u cilju očuvanja digniteta psihijatrije kao struke i psihijatara kao stručnjaka za tu oblast.*

C.ZAVRŠNE NAPOMENE

UPuBiH se **zahvaljuje** svim svojim članovima na kontinuitetu članstva i svim novim članovima, koji su prepoznali našu pozitivnu ideju dobre promocije bosanskohercegovačke psihijatrije, ali i umrežavanja psihijatara u našoj zemlji. A sve to sa ciljem daljeg unapređivanja i naše prakse i našeg Udruženja.

Ovaj Izvještaj o radu UPuBiH biće **prezentovan** tokom Generalne skupštine UPuBiH u Konjicu, 10 oktobra 2011. godine i **dostupan** svim članovima UPuBiH na uvid i pregled na internetskoj stranici UPuBiH, www.upubih.com.

Br. 08/2011.

Konjic, 10.10. 2011.

Generalni sekretari UPUBiH

www.upubih.com